



# OJÉELAJILO’OB UTI’AL KÁARTEL BIX KUN JYÉEYBIL MÁAXO’OB KUN J-ÁANTAJ TI’ KA’ANSAJ U KA’ANSAJIL INICIAL TI’ NAJIL BA’AX KU KAXTA’AL

U Noj Póopil Ka’ansaj Xook ti’ u Jala’achil u Lu’umil Yucatán, yéetel ba’ax jets’a’an tu Bejilo’ob u Mejay u Nu’ukbesajil subsidios wa áantajilo’ob ku k’aaba’tik U Ka’ansajil Inicial ti’ Najile’, ku payaltik máaxo’ob taak u táakpajalo’ob uti’al u yéeyajil máaxo’ob kun meyaj bey J-áantajo’ob ti’ Ka’ansaj uti’al Jmáan Xiímbal bey xan J-áantajo’ob ti’ Ka’ansaj uti’al Ilaj Meyaj ti’ u ejercicio fiscalil 2026.

U ts’áabal áantajil uti’al u chúuka’an mu’uk’ankunajil mejen xch’úupal yéetel mejen jxi’ipal síijil ku beetik tak ka’aja’abil, buluk wináalo’ob ti’ u kuxtal, tu’ux ku láak’inta’al u baatsilo’ob uti’al le tséentaj paalilo’, bey túuno’ ku mu’uk’ankiínta’al u k’ax óolilo’ob bey xan ku p’isk’aanta’al u chiímpolil ti’ u páajtalilo’ob. Le áantajilo’obo’ yaan u ts’áabal ti’ le méek’tankaajilo’oba’:

| YÁAX MOODULÓO |                 | KA’AP’ÉEL MOODULÓO |          | ÓOXPEÉL MOODULÓO |        | KAMP’ÉEL MOODULÓO |                 |
|---------------|-----------------|--------------------|----------|------------------|--------|-------------------|-----------------|
| DZITÁS        | SUCILÁ          | SANTA ELENA        | CHUMAYEL | KANTUNIL         | HOMÚN  | YAXKUKUL          | CHICXULUB PBLO. |
| DZONCAUICH    | SAN FELIPE      | CHAPAB             | TEABO    | XOCHEL           | TAHMEK | SAMAHIL           | CHOCHOLÁ        |
| RÍO LAGARTOS  | DZILAM GONZÁLEZ | MAMA               | MAYAPÁN  | HOCTÚN           | BOKOBÁ | CELESTÚN          | KOPOMÁ          |
| SANAHCAT      |                 |                    |          |                  |        |                   |                 |

## KÚUCHIL MEYAJO’OB TI’ KA’ANSAJIL

**J-áantaj ti’ Ka’ansaj uti’al Jmáan Xiímbal:** máax ku meyaj ti’ najilo’ob, uti’al u ts’áaj tsolbejil, nu’ukulilo’ob yéetel ba’axo’ob k’a’ana’an uti’al u ma’alobkiíntik u tséentik u paalil le baatsilo’ob yaan u mejen xch’úupal yéetel mejen jxi’ipal síijil ku beetik tak ka’aja’abilo’ob, buluk wináalo’ob ti’ u kuxtalo’, bey túuno’ ku yáantiko’ob uti’al u mu’uk’ankunajil, u béeykunsajil kaambal yéetel yutsbe’enil ti’ u mejen paalilo’ob.

**J-áantaj ti’ Ka’ansaj uti’al Ilaj Meyaj:** máax ku meyaj uti’al láak’inaj yéetel ilaj meyaj ti’ le J-áantajilo’ob Ka’ansaj uti’al Jmáan Xiímbal yano’ob ti’ le mooduloo ku yiliko’.

## BIX LE ÁANTAJILO’OBO’

Yaan u ts’áabal jump’eel áantaj bo’olil láalaj wináal ichil ka’alajun wináalo’ob, ti’ u J-áantajilo’ob ti’ Ka’ansaj kun Jmáan Xiímbalo’ bey xan ti’ le kun J-ilaj Meyajo’:

**\$12,000.00** (doce mil pesos 00/MN) láalaj wináal ichil junja’ab fiscal ti’ máaxo’ob kun meyaj bey J-áantaj ti’ Ka’ansaj uti’al Jmáan Xiímbale’.

**\$15,000.00** (quince mil pesos 00/MN) láalaj wináal ichil junja’ab fiscal ti’ máaxo’ob kun meyaj bey J-áantaj ti’ Ka’ansaj uti’al Ilaj Meyaje’.

BAA’XO’OB K’ANAAN

- 1.Maanal waxaklajun u ja’abilo’ob.

2.Jach jump’iit xookil u beetmaje’, unaj yaan licenciatura ti’ yóok’lal ba’ax yaan yil yéetel ka’ansajil.

3.Kajakbal ti’ le kaajil tu’ux ku ts’áabal le áantajilo’ wa ti’ jump’eel chan kaaj naats’ ti’.

4.Yoojel ba’ax k’a’ana’an yóok’lal bix u bin u nuuktal mejen xch’úupal yéetel mejen jxi’ipal.

5.Yaan páajtalilo’ob ti’ uti’al le kúuchil taak u beeta’alo’.
- 6.Ku béeytal u táakpajal ti’ u táayero’obil ka’ansaj modo virtual wa unaj u bin.

7.Yaan u yáantajil ajts’akyaj ti’, ti’ le k’iino’oba’.

8.Yaan cuenta bancaria ti’ tu k’aaba’.

**Máaxo’ob taak u táakpajalo’ob ti’ le Nu’ukbesaj, uti’al u meyajjo’ob bey J-áantaj ti’ Ka’ansaj uti’al Ilaj Meyaje’ k’a’abéet xan yaan ti’ob:**

1. U páajtalil u bin ti’ jejeláas kaajilo’ob uti’al u láak’íntik yéetel yilik u meyaj le J-áantajo’ob ti’ Ka’ansaj uti’al jmáan Xiímbal ken u yilo’.

U JU’UNILO’OB K’ANAAN

Máaxo’ob taak u táakpajalo’ob ti’ le Nu’ukbesaja’ unaj u k’ubiko’ob le ju’uno’oba’:  
**I.Uti’al u táakpajal bey J-áantaj ti’ Ka’ansaje’:**

- a) U júunil k’áat áantajil (anexo 1) unaj firmáarta’an.

b) U koopyáayl u iidentifikasyoon oficial yéetel yoochel ma’ jach úuchbeni’.

c) Ju’uno’ob oficialo’ob ti’ iidentifikasyoon ti’ láalaj juntúul máake’ je’el bix: u credencialil yéeyaj jala’ach, pasaporte vigente, cédula profesional yaan u yoochel wa cartilla militar.

d) U koopyáayl Clave Única de Registro de Población (CURP), wa mina’an tu iidentifikasyoon oficiali’.

e) U originalil bey xan u koopyáayl u ju’unil u xookilo’ob. U ju’unil originale’ chéen uti’al yila’al wa yaan ti’, ts’o’okole’ yaan u su’utul ti’ máax ku táakpajalo’.
- e) U koopyáayl u ju’unil tu’ux kajakbal ma’ máanak óoxp’eel wináalo’ob ti’i, wa ma’ láayli’ leti’ yaan tu iidentifikasyoon oficiali’. Ku k’a’amal bey u ju’unil tu’ux kajakbal máake’ u reciboil energia eléctrica, ja’ yéetel telefonía fija.

f) Currículum vitae ku béeytal u ke’etel yéetel u ju’unilo’ob.

g) Ju’unilo’ob ku chiímpoltiko’ob ts’o’ok u yáax táakpajal yéetel mejen paal bey xan yoojel ba’axo’ob k’a’ana’an yóok’lal bix u bin u nuuktal mejen xch’úupal yéetel mejen jxi’ipal.

h) U kóonstansyáayl u yáantaj ajts’akyaj vigente.

**Wa ku táakpajale’e:**

- a)U koopyáayl u estado de cuenta bancaria tu k’aaba’ máax táakpaja’ano’o, yaan u número de cuentail yéetel u CLABE interbancaria.
- b)U Kóonstansyáa de Situación Fiscal túumben yanik.
- c)U kaarta de Incorporación bey J-Áantaj ti’ Ka’ansaj ti’ u Nu’ukbesajil Ka’ansaj Inicial ti’ Najil (anexo 2) unaj firmáarta’an.

Ju’un ku ts’a’abal tumen u Noj Póopil u Ka’ansajil Inicial

Máaxo’ob taak u táakpajlo’ob ti’ le yéeyajila’ unaj u túuxtiko’ob u ju’unilo’ob k’a’ana’an chéen ti’ le enlace’ob uti’al ts’íibtaj k’aaba’ob ts’áabano’, uti’al le kúuchilo’ob u k’áato’obe’ (J-áantaj ti’ Ka’ansaj uti’al Jmáan Xiímbal wa J-áantaj ti’ Ka’ansaj uti’al Ilaj Meyaj). U k’iinilo’ob uti’al u k’a’amal u ju’unilo’obe’, **20 tak 28 ti’ u wináalil agosto**, ichil le je’elo’oba’ unaj u chúukbesa’al le ts’íibtaj k’aaba’ilo’obo’ yéetel u na’aksa’al u ju’unilo’ob ku k’áata’alo’obo’. U ts’íibtaj k’aaba’ile’ yaan u beeta’al ti’ le enlace ku ts’áabala’, uti’al le kúuchil taak u beeta’alo’: <https://sites.google.com/view/inicialenelhogar/>

U nootail: Je’el bix jets’a’anil ichil ba’axo’ob k’a’ana’ane’, le máax taak u táakpajale’ unaj u na’aksik ichil tuláakale’ waxakp’eel ju’unilo’ob, láalaj jump’éele’ ti’ formato PDF, tu’ux unaj yilik u ts’íibilo’obe’ ku béeytal u xo’okol tubeel, vigente’ob bey xan keet yéetel ba’axo’ob ts’a’ab ti’ le ts’íibtaj k’aaba’ilo’.

U TSOOLIL MÁAXO’OB KUN TÁAKPAJALO’OBE’ YAAN U TS’ÁABAL K’AJÓOLTIL A PARTIR TI’ 15 TI’ U WINÁALIL SEPTIEMBRE, TU PAAJINÁAYL U NOJ PÓOPIL KA’ANSAJ XOOK.

Uti’al a k’ajóoltik uláak’ ba’alo’ob yóok’lal le nu’ukbesaja’ ooken ti’

[www.educacion.yucatan.gob.mx](http://www.educacion.yucatan.gob.mx)  
Dirección de Educación Inicial  
(999) 930 30 40 Ext. 51531

